

小

腆

紀

傳

跋

昔先大夫作小腆紀年既成而作紀傳謂紀年一書

綱目之義凡明季衰亂及諸臣賢否固在在可攷然讀遷固之史其人其事必綜其生平言行各予紀傳令觀者得悉其畢生之善惡此史家之例而先大夫紀傳之所由作也維時出守福甯賊氛告警登埤盡瘁遺命深以此書不克成爲憾迨兄承禧筮仕閩中理繁治劇爲政務所迫承祖從節泰西鞅掌奔走迄無定日雖無忘先志而皆未逮弟承禮在閩珍什遺稿於公餘暇日輒出是書釐次與仁和魏君錫曾參校編次得六十五卷繕爲定本弟承禮復搜遺蒐逸博采羣書凡先大夫未及錄者作紀傳補遺若干卷亦本先大夫作書

之旨其間或俟編次或俟攷正多未脫稿其已訂正者凡五卷甲申冬承祖奉

命出使日本函商於兄承禧謹出紀傳命工人梓成因令補遺之已成者附刊於後蓋不敢忘先大夫作書之本心並以勗弟承禮續述之篤志云爾

光緒十三年歲在丁亥冬十二月男承祖謹識

金陵王佑之刊刻

小腆紀傳目錄

前翰林院檢討加詹事府贊善銜六合徐鼐撰

紀七

列傳五十八

凡六十五卷

卷第一

紀第一

宏光上

卷第二

紀第二

宏光下

卷第三

紀第三

隆武 紹武

卷第四

紀第四

永曆上

卷第五

紀第五

永曆中

卷第六

紀第六

永曆下

卷第七

紀第七

監國魯王

卷第八

列傳第一

后妃

宏光鄒太后

黃后

李后

童氏

隆武毛太后

曾后

永曆王太后

馬太后

王后

吉王妃
松滋王妃

宮嬪某氏

魯監國張前妃 宮嬪周氏 張元妃 義陽王妃等朱氏

卷第九

列傳第二

宗藩

蜀王至澍 太平王至淥 襄王常澄

崇王慈煥 松滋王某 吉王慈燿 岷王子某

榮王由楨 潞王常潞

瑞王常浩 義陽王朝暉

東安王盛蕙 德陽王至濬

延長王識鐸 甯靖王術桂

光澤王儼鐵 巴東王某

弋陽王某

石泉王聿銓

德化王慈燧

新昌王某

鄖西王常潮

永西王某
興安王某

貴溪王常澍

靖江王亨嘉

嗣王亨欽

崇陽王某

奉國將軍輝奎

敬鎮

誼泮

企銳

敏濛

俊漸

壽鉢

奉鈞

兄弟某

帥欽

議泥

議漆

常采

由櫟

統鎮

容藩

謀烈

卷第十

列傳第三

史可法 應廷吉

卷第十一

列傳第四

高宏圖

姜曰廣

卷第十二

列傳第五

張愼言 子履旋

徐石麒 子爾穀

張有譽

解學龍

練國事

卷第十三

列傳第六

劉宗周 子約

卷第十四

列傳第七

章正宸

羅萬象 王孫蕃左光先

吳适

李模

喬可聘 姚思孝

李清

錢敬忠

卷第十五

列傳第八

左懋第

袁繼咸 張亮

祁彪佳

子理孫
吳伯默

班孫

卷第十六

列傳第九

高倬

何應瑞

劉成治

黃端伯

吳嘉胤

龔廷祥

陳龍正

陳于階

葛徵奇等
吳可箕等

卷第十七

列傳第十

張伯鯨

徐汧

王瑞梅

葉尙高等

夏允彝

兄之旭
子完淳

林逢經

弟逢平等

李魯

鄒宗諒
李世輔

卷第十八

列傳第十一

楊文驄

衛肩文

吳爾璵

傅鼎銓

徐敬時

張家玉

安宏猷等
林游

卷第十九

列傳第十二

周

鏞

弟鍾
光時亨

項

煜

雷縝祚

邱

磊

補

陳

謙

子六御
傳闕

卷第二十

列傳第十三

徐宏基 從子仁爵

李昇 族人錫祚 錫貢

鄧文昌

常延齡 常元亮 湯南金

劉永錫

劉文昭

沐天波

卷第二十一

列傳第十四

黃得功 翁之琪 杜文煥

高傑

劉洪起

孫守法 王光恩等

卷第二十二

列傳第十五

劉肇基

乙邦才

莊子固等

魯之瑱

蔡祥
吳志葵

陳徐

梧福

周之藩

閔時
鄭雄

林深

卷第二十三

列傳第十六

黃道周

趙士超等
洪京榜

王加封

卷第二十四

列傳第十七

蔣德璟

曾櫻

路振飛

子澤溥

朱繼祚

湯芬
都廷諫

林媚
曾世袞

熊開元

林增志
方以智

徐人龍

子咸清

卷第二十五

列傳第十八

傅冠

顧錫疇

楊廷麟

彭期生
彭錕

吳世安

蘇觀生

梁朝鍾

卷第二十六

列傳第十九

曹學佺

胡上琛
鄭羽儀

張兆鳳
林說等

李國英

何楷

姜一洪

熊緯
陸清源

徐復儀

卷第二十七

列傳第二十

萬元吉

楊文薦
黎遂球

唐周慈
朱永盛等

郭維經

子應銓
應煜

應衡
姚奇胤

劉同升

子季鎮

詹兆恆

揭重熙

張自盛
洪國玉

曹大鎬
李安民等

卷第二十八

列傳第二十一

瞿式耜

徐高

卷第二十九

列傳第二十二

陳子壯

麥而炫

朱實蓮

何騰蛟

楊某等
楊鴻

鴻弟鶚

堵胤錫

卷第三十

列傳第二十三

王應熊

呂大器

子潛

文安之

卷第三十一

列傳第二十四

吳炳 侯偉時等

嚴起恆 楊鼎和等

朱天麟

楊畏知 王錫衮

吳貞毓 張鵠等

郭之奇 楊祥

卷第三十二

列傳第二十五

劉遠生 陳純來 毛鳳池

錢邦芑 程源 龔彝

劉湘容 吳德操

金堡

高勛 金簡

李如月

任國璽

卷第三十三

列傳第二十六

傅作霖

李若星

張同敞

于元燧
程 岫

章 曠

米壽圖

耿廷錄

郭承汾

許盡忠

張孝起

洪消鼇

卷第三十四

列傳第二十七

補

陳士奇

陳 縵
王 錫

王行儉
顧 景

龍文光

劉佳允

小腆紀傳

卷第三十四

八

劉之渤

馬乾

李乾德

弟升德

樊一衡

范文光

詹天顏

卷第三十五

列傳第二十八

秦良玉

楊之明

補

馬京

弟亭等

龍在田

祿永命

王克猷

那嵩

子燾

龍吉兆

弟吉佐

卷第三十六

列傳第二十九

李元肩

李建捷
王承恩

焦

璉

劉起蛟等
朱閔如

趙印選

胡一青等

侯

性

謝復榮

王景熙

曾

英

李占春

于大海

楊

展

袁

韜

武大定

王

祥

傳闕

皮

熊

傳闕

王

興

卷第三十七

列傳第三十

李定國

白文選

劉文秀

卷第三十八

列傳第三十一

朱成功

子經
叔鴻達

孫克壘

克瑛

卷第三十九

列傳第三十二

張國維

朱大典傳 嚴等

劉中藻連邦琪等

卷第四十

列傳第三十三

孫嘉績補

熊汝霖俞元良 陳希文

錢肅樂弟肅範 肅緒 肅遴 肅典

沈宸荃

張肯堂蘇兆人 汝應元

卷第四十一

列傳第三十四

于頔

莊元辰 王王藻

董守諭 邵之詹

王正中

徐孚遠

陳士京

卷第四十二

列傳第三十五

余煌

王思任

陳函輝

陳潛夫

吳從魯

何宏仁 傳日炯

高岱 子朗

葉汝菴

謝震龍 楊守程 倪文徵

楊雲門 八十九等

朱瑋 方炯

李山

劉穆 子肇勣 肇勣等

張國紀

卷第四十三

列傳第三十六

吳鍾巒

子福之

李向中

朱永祐

董志甯

朱養時 劉世勳
鄭遵儉等 補

沈履祥

卷第四十四

列傳第三十七

陳子龍

沈廷揚

沈始元等

林汝翥

林奎 葉子器
陳世亨

張煌言

羅子木等

卷第四十五

列傳第三十八

王之仁 子鳴謙

張鵬翼 弟鵬飛 季熊

張名振 焦文王 楊復葵

王朝先

阮進 阮駿

周鶴芝 弟瑞

鄭遵謙 鄭彩

卷第四十六

列傳第三十九

義師一

凌駟 從子潤生 許來春 高馬元駟 謝陸

沈迅 弟迓 劉孔和

殷淵 宋湯齊 郭珩 吳易 孫兆奎 沈自微

華京

吳旦

趙汝珪

吳鑑

周瑞

張飛遠

陸世鑰

茹略文

周志韜

任源

徐安遠

朱旦

盧象觀

弟象同

陳坦公

韋志斌

李伯含

盧象觀

毛重泰

方明

潘文煥

李伯含

閻應元

陳遇明

許用德

葛麟

李伯含

閻應元

馮厚敦

張龍文

黃毓祺

徐趨

顧杲

王巢之

張龍文

沈猶龍

陸明永

李待問

周室瑜

朱集璜

王湛

魏虎臣

蔡仲昭

侯炯曾

弟岐曾

黃醕耀

張錫眉

金聲

姜孟卿

元潔

邱祖德

沈壽堯

麻三衡

尹民興

吳漢超

吳應箕

龐昌胤

裴君量

謝琢

錢國華

周損

傅夢鼎

傅謙之

王鼎

侯應龍

李虞夔

子宏

萬練等

馮宏圖

弟鼎言

卷第四十七

列傳第四十

義師二

錢棟

錢應金

屠象美

鄭宗彝

弟宗琦

姚志倬

方元章

金有鑑

王士麟等

李長祥

章有功

馮京第

王翊

王江

張夢錫

陸宇燭

弟宇燦

華夏

謝寅生

王家勤

楊文琦

弟文琮

文瓚

杜懋俊

施邦珩

屠獻宸

董德欽

卷第四十八

列傳第四十一

義師三

陳泰來

劉詔新等

倪大顯

曾亨應

弟和應

子筠

劉士楨

王寵

鄒文鼎

胡定海

揭一新

胡夢泰

萬文英

唐 倜

余應桂

子顯臨

吳江

弟徹哲

蔡觀光

陳邦彥

白常燦

朱學熙

卷第四十九

列傳第四十二

忠義一

何 剛

任民育

曲從直

王賴爵

羅伏龍

楊振熙等
高孝續等

文震亨
顧所愛 蘇州儒士等
殷載臣

陸培

王道焜

顧咸建

兄咸正 弟咸受

唐自綵

從子階豫 過俊民

王佐才

項志甯等 荆本散

吳之蕃

侯承祖

子世祿

溫璜

葉向榮

王景亮

伍經正 鄧巖忠 方召

李桐

子文景 文選

文昱

倪懋燾

族人元楷

鄭爲虹

黃大鵬 洪祖烈等

王士和

傅雲龍

金麗澤 徐世名

洪有楨

毛協恭

補

郭符甲

諸葛斌

葉翼雲

弟翼俊

陳鼎

楊廷樞

劉曙

華允誠 從孫尙濂

卷第五十

列傳第四十三

忠義二

夏萬亨

王養正

王域 劉允浩 史夏隆 胡

李時興 高飛聲

梁于浹

李翺

周定仍 補

涂伯昌

子先春

霍子衡

子應蘭 應荃 應芷

廖翰標 榮萬爵

巫如衡

子學展

陳象明

蕭憲 周震 李興璋

邱式籽

補

唐誼

補

田闢

補

鄭雲錦 王道光

卷第五十一

列傳第四十四

忠義三

吳錫玉 黃克善 項人龍 邱 懋成 啓 彭永春 董四明 徐可行 孫大華

徐永泰 王喬棟

周二南 俞一麟 吳愉 周侯

張繼孟 陳其赤 張孔教 洪業 嘉 劉士斗 沈雲祚 趙嘉煒等

王勵精 賀允選 顧繩詒 胡 恆 徐孔徒 王萬春 朱蘊羅

陳君寵 單之賓 朱 儀 秦民 湯 艾吾鼎

尹 仲 王寶可進 王起莪 楊國柱 卜大經等 吳獻棻

董克治 蔣世鉉 梁士騏
雷應奇 通江童子

李含乙 李先完 樊明善 陳懷西 馬孫鸞
王爾讀 黎應大

熊兆柱 李師武 劉道貞 子暎 度 葉大賓
魚嘉鵬等

向成功 王承憲 弟承瑱 高其勳
高明

王士傑 段見錦等 張耀 吳子騏等

曾益 顧人龍 曾異撰 程玉成 龔茂勳

羅國猷 焦渭生 夏衍虞 席上珍 金世鼎 何思
陳六奇等

徐道興 楊于陸 王運開 弟運閣 子之謙
劉廷標

黃應運

卷第五十二

列傳第四十五

義士

馬純仁 嚴紹賢

王台輔 百樓寺僧

許德溥 王解卒

祝淵

王毓蓍 潘集周瑞

周卜年 徐啓睿

沈齊賢

趙景馨

張槌

鄧思銘 楊應和楊居久

徐英 陳泰

楊履園 李大載吳士樞

畫網巾先生

鄺露

殷國楨

胡澹

劉永錫

魏耕 汪寅生

薛大觀

吳炎 潘樾章

卷第五十三

列傳第四十六

儒林一

顧炎武

弟紆 楊瑀

葉弈荃 張爾岐

黃宗羲

陸世儀

張履祥

吳蕃昌

王建常

傅山

子眉 胡庭 衛嵩

孫奇逢

李容

王夫之

兄介之 劉惟贊

唐端笏 陳五鼎

孫雙穀

朱鶴齡

陳啓源

卷第五十四

列傳第四十七

儒林二

陳瑚

應搗謙

沈昀

徐芳聲

蔡仲光
仲光從弟宜之

黃宗炎

弟宗會

王錫闡

補

卷第五十五

列傳第四十八

文苑

艾南英

章世純
羅萬藻

張采

李世熊

紀文疇

子許國保國

錢秉鐙

嚴煒

王宏撰

徐夜

屈大均

陳恭尹

卷第五十六

列傳第四十九

遺臣一

孔貞運 賈必選

吳 牲

王心一 申紹芳 黃孔昭 沈之琰 陸坦

許譽卿 陳啓新 倪嘉慶 孫自脩 孫宗岱

錢龍錫 陳濟生 李延呈 方震孺

方孔昭 蔣岐臣 鄭三俊 金光辰 黃正宣

葉廷秀 成勇 范復粹 曹瑨 凌世韶

姜 埰 弟核 兄折 陳奇瑜 丁啓睿

李長庚 周堪廣 文士昂 陳所問 羅其鼎 陳五聚

羅楨
張聖域

米助國
余鵬翔
于斯力
劉瑄

郭都賢
文燠
陶汝鰲
賀奇
劉瑄

卷第五十七

列傳第五十

遺臣二

錢士升
高承堪
鈕應斗
朱治憫
吳鉏

高斗樞
子宇泰
周元懋
從兄元初
鄭龍采

林時對
陸寶
馮元颺
弟元騰
補蕭士偉

熊明遇
李汝璆
易應昌
詹爾選
蕭士偉

黃景昉
王觀光
莊龍獻
余鳳
林衍培

張利民
李躍龍
楊瑞鳳
謝國瑄

王志道張若化弟若仲子士楷

林蘭友唐顯悅許環盧若騰郭貞一沈佺期

楊期演葉啓葵林志遠

葉迎諸葛倬許吉璟等

王忠孝張正聲蔡國光劉子葵

沈光文姚翼明程應璠陳瑞龍萬年英

陳駿音齊价人等楊永言張應星

卷第五十八

列傳第五十一

逸民

徐逸度黃周星王漢張弘卓爾堪

徐枋周茂蘭金俊明陸璉徐晟

徐樹丕楊燭韓洽葉襄

陳三島 包捷 吳宗潛

吳宗漢 吳宗泌 顧有孝 鍾曉 楊彝 毛晉

歸莊 顧蘭服 王弘承 朱明德 朱明錦 張若義

陸慶臻 王光承 紙衣翁

謝遴 沈壽民 補 采薇子

趙士喆 趙士完 張光啓 崔子忠 董樵

一壺先生 吳道行 兄道升 子敬

郭金臺 蔣之葵 朱之宣 李國相 郭履 劉象賢

陳三績 鄧林材 陸圻

劉春萊 唐之正 施相 徐繼恩

汪颯 補 褚連時 吳統持 沈起

巢鳴盛 譚貞良 馮延年 俞波言 蔣之翹

李標 李天植 錢士馨 陸啓 法

周之濬 張應鰲 劉應期 董瑒 趙旬 張應煜

戴易 張宗觀 朱士稚 陳洪綬 確 葉敦良

邵以貫 呂章成 周容 楊秉紘

周西范 路 駱國挺 朱金芝

林法 曾燦恆 陳名賓 楊維熊 陳發曾 蔡又新

鄭郊 劉堯章 鄭堯 何其偉 王廣 丁之賢

阮文錫 林藹 陳顯謨 莊后詔 洪承峻

涂伯案 弟仲吉 程之正 李茂春 洪思 王仍格

邱義 黃驥陞 林邁佳 陳國顯

卷第五十九

列傳第五十二

方外

晞容

海明

邳州石屋僧

項缸

景曜

升竹

德宗

南獄和上

道源

面可成

壽同 殘傳良

大成

桑山人

陳仙者

松仙

清凝上人

狗皮道人 銅袍道人等

卷第六十

列傳第五十三

列女

徐夫人

緜州劉氏四烈婦

新津袁氏等

樵爲陳氏二女

仁壽辜氏女

敘州婦女

納溪二王氏等

劉氏

馬氏等

馬氏

侯氏

劉氏等

張氏

劉氏

江都程氏六烈

江都孫氏婦女

張氏薛氏

田氏

劉氏

陶氏

于氏

黃道宏妻

王氏

方氏

顧炎武母王氏

香娘

草衣道人

隱隱

葛嫩

劉淑英

畢發文

賈氏

沈氏

劉氏

徐氏

謝氏

商夫人

仲商夫人
祁德淵

沈雲英

項淑美

王氏

烈婦錢氏沈氏

三孟氏

潘氏

俞沈氏

余氏

倪氏

李陳氏

周氏

張氏

俞氏等

余氏

甬上四烈婦

烈女王氏

金四姐

方氏

周氏等

李氏

文鸞

鮑氏

史八夫人

番禺李氏許氏

夏氏

郭純貞

董夫人
子經妻唐夫人

陳夫人

鄭氏

黃棄娘

鄭宜娘

四葉氏

義娘
楊氏 楊氏 陳氏

卷第六十一

列傳第五十四

宦官

韓贊周
盧九德

李國輔

高起潛

王坤

龐天壽 傳闕

夏國祥 傳闕

張福祿 全爲國傳闕

卷第六十二

列傳第五十五

姦臣

馬士英 張捷等

阮大鍼 楊維垣

劉孔昭 傳闕

李沾 張孫振等傳闕

馬吉翔 傳闕

卷第六十三

列傳第五十六

貳臣

方逢年 彭遇鳳

方國安 傳闕

鄭芝龍 陳於鼎

何吾騶 黃士俊

丁魁楚 補

王化澄 傳闕

袁彭年 曹燧 傳上瑞

耿獻忠 洪天擢等

卷第六十四

列傳第五十七

逆臣一

左良玉

劉澤清 劉良佐 補

沙定洲

黃斌卿

卷第六十五

列傳第五十八

逆臣二

李成棟

金聲桓 王得仁

劉承胤

陳邦傳 傳闕

孫可望

張虎 張勝 王自奇 方于宣 王尚禮 朱運久

右小腆紀傳六十五卷先大夫晚年未成之書今
謹編目鈔定者也先大夫以道光庚戌充

實錄館纂修官恭讀

列聖實錄遵

純廟分注明福王年號撮敘唐桂二王本末之論爲小

腆紀年二十卷更采舊聞箸爲是書彼以年經此
以人緯縱經橫緯職志左班東南寇盜初捍桑梓

迨守福甯登陴盡瘁疾彌留命兩兄暨承禮曰余
半生精力盡此二書而紀年刊成方識譌舛紀傳
舛舛什一舊得稗乘遭亂散亡某人某事雖復省
憶時地貫秩無徵不信今天不假年齋志黃壤吾
非談彪庸遂實若輩以遷固邪然小子識之矣承
禮泣承遺命念茲事體大逡巡有年大興傅君以
禮故熟於明季掌故者曾讀紀年知有紀傳介仁
和魏君錫曾來索副本承禮以原鈔有標目無卷
次又字句失讎間有譌奪迺盡發手槧清本與魏
君參互校勘而時咨疑義於傅君不揣僭妄釐次
如右募書人繕爲定本閱兩載始竟事其中義類

悉依舊稟而少加變通舊立微者戮辱二傳篇目
寥寥難以分帙則附於義師貳臣如大臣陳士奇
等武臣邱磊等土司楊之明等宦官龐天壽等姦
臣劉孔昭等貳臣方國安等逆臣劉澤清等原稟
勵存其目間取紀年中事實賅備者聯綴爲傳注
補字以別之或始末不完雖見他書未敢羈引則
注傳闕二字從其愼也又清本史可法高宏圖姜
曰廣徐石麒高倬顧錫疇邱祖德各傳謹載

本朝賜諡他皆闕如今遵

欽定勝朝諸臣殉節錄次第增補俾體例歸畫一也
夫有明南渡後紀事之書不下三百餘種類皆分

輯見聞偏舉時地惟溫氏睿臨南疆逸史李氏瑤
繹史勘本摭遺綜括三藩較爲完備顧溫書麤具
體裁病於太簡李書紀次無法詳略失中論者謂
先公之作會萃羣編訂譌求是簡而該詳而有體
非夫溫李同年可語然承禮追維治命欲若不足
又披傅氏藏書遺聞軼事頗尋端緒蓋臣誼士盛
著風烈若復甄綜散亡倣裴松之注三國志例補
紀傳所未及別爲志表無闕史裁則於當日事勢
瞭若觀火先人未竟之志庶少慰也幼遭不造長
復失學文采不足以耀無窮學識不足以繼往古
惟此六十五卷之書鈔綴成帙尙賴傅君講求魏

君讎校之力小子涉川其無津涯況乎不朽之事
名山之業羅故國之文獻成一家之述作龍門扶
風緊豈異人瞻印前修邈絕攀躋覆誦斯編滋益
舉戾者矣

同治八年歲在己巳長至節後一日男承禮謹識

小腆紀傳目錄終

小腆紀傳

目錄

小腆紀傳卷第一

前翰林院檢討加詹事府贊善銜六合徐鼐

紀第一

宏光上

宏光帝神宗之孫福恭王之長子也諱由崧母鄒妃初封德昌王進封世子崇禎十四年辛巳春正月闖賊陷河南恭王遇害世子走懷慶癸未秋七月嗣封福王思宗手擇宮中玉帶賜之甲申二月壬戌懷慶陷王走衛輝與母妃鄒氏相失挈內侍常應俊等數人與潞王常洵避至淮上依淮撫路振飛三月北京陷四月己巳凶問至南京時參贊機務兵部尙書史可法督師勤王在浦口諸大臣議立君倉卒未有所屬

前侍郎錢謙益兵備僉事雷縝祚入說兵部侍郎呂大器言
福王立將修葺三案大器遂與都御史張慎言詹事姜曰廣
移牒可法言福王有不孝虐下干預有司不讀書貪淫酗酒
七不可立潞王賢明可定大計可法卽身還南京而鳳陽總
督馬士英欲居擁戴功結靖南伯黃得功暨高傑劉澤清劉
良佐等移書諸大臣謂以序以賢無如福王責可法當主其
議發兵擁王至儀徵甲申南京守備魏國公徐宏基提督操
江誠意伯劉孔昭尙書高宏圖程註南京守備司禮監韓贊
周及慎言大器曰廣集議於朝大器時典禮兵兩部後至頓
筆不肯下給事中李沾厲聲曰禮莫重於尊君兵莫先於衛
王眾議僉同公獨持異沾請得以頸血濺公衣矣劉孔昭亦

晉大器不得出言搖惑大器不敢復言乃以福王告廟乙酉
宏基等具啟迎於儀徵丙戌王舟次觀音門丁亥百官迎見
於龍江關王素衣角帶哭五月戊子朔王乘馬自三山門入
至孝陵從臣請自東門御路入王遜避自西門入至饗殿禮
畢謁懿文太子陵自朝陽門入東華門步行謁奉先殿出西
華門駐蹕於內守備府爲行宮百官進見王赧然欲避史可
法言殿下宜正受又陳戰守大計謂當素服郊次發師討罪
示天下以必報讐之義王唯唯不能答先一日有兩黃星夾
日而趨是日五色雲見己丑百官謁王於行宮靈壁侯湯國
祚許戶部措餉不時其言憤絮太監韓贊周叱之起呂大器
曰此非對君體御史祁彪佳言綱紀法度爲立國之本李沾

亦言朝班宜肅羣臣勸進箋再上王許監國庚寅王行告天
禮祝文飄入雲霄眾異之升殿百官行四拜禮徐宏基跪進
監國寶百官再行四拜禮乃退發大行皇帝喪大赦天下其
新加練餉及崇禎十二年以後一切雜派並各項錢糧十四
年以前實欠在民者悉免之以張愼言爲吏部尙書壬辰以
史可法爲東閣大學士兼兵部尙書高宏圖爲東閣大學士
兼禮部尙書並入閣辦事馬士英爲東閣大學士兼兵部尙
書都察院右都御史仍總督鳳陽等處軍務發銀萬兩命兵
部郎中萬元吉往犒得功等軍癸巳爲大行皇帝舉喪哭臨
甲午以姜曰廣爲東閣大學士兼禮部尙書前禮部尙書王
鐸爲東閣大學士並入閣辦事曰廣辭改禮部左侍郎入直

以工部右侍郎周堪廢爲戶部尙書起劉宗周爲都察院左都御史以呂大器爲吏部左侍郎是日衡王起兵誅閩賊僞官於青州乙未命御史祁彪佳安撫江南江督袁繼咸入援設防江水師復操江總督文臣協理楚撫何騰蛟奏恢復隨州史可法請罷南京守備參贊各銜依北都舊制設京營等官罷錦衣衛兩鎮撫官請分江北爲四鎮以劉澤清高傑劉良佐黃得功分轄之澤清轄淮海駐淮安山陽清河桃源宿遷海州沛縣贛榆鹽城安東邳州睢甯十一州縣隸之經理山東一路傑轄徐泗駐泗州以徐州蕭縣碭山豐縣沛縣泗州盱眙五河虹縣靈璧宿州蒙城亳州懷遠十四州縣隸之經理開歸一路良佐轄鳳壽駐臨淮以鳳陽臨淮潁上

月
三
穎州壽州太和定遠六安霍邱九州縣隸之經理陳杞一路
得功轄滁和駐廬州以滁州和州全椒來安含山江浦六合
合肥巢縣無爲州十一州縣隸之經理光固一路各設監軍
一員一切軍民聽統轄州縣有司聽節制營衛原存舊兵聽
歸併整理荒蕪田土聽開墾山澤有利聽開採仍許各於境
內招商收稅以供軍前買馬制器之用每鎮額兵三萬人歲
供本色米二十萬折色銀四十萬聽各鎮自行徵取設督師
於揚州節制諸鎮罷鳳陽總兵官改置副將設九江京口兩
鎮以操江總督協理之詔並舉行丙申馬士英率兵入朝戊
戌羣臣勸進箋三上王許之禮部請祀地祇命俟祭天一並
舉行命瑞王常浩居重慶己亥修奉先殿命御史陳丹衷宣

諭江北大學士史可法自請督師江北詔以便宜行事各鎮
并聽節制庚子命兵部尙書張國維以原官回部協理京營
戎政以原任刑部尙書徐石麒爲都察院右都御史以總兵
官鄭鴻達鎮九江黃蜚鎮京口辛丑兵部主事凌駟起兵東
昌討賊闖賊陷雞澤諸生殷淵死之王寅王卽皇帝位改元
宏光詔曰我國家受天鴻祚奕世滋昌保大定功重熙累洽
自高皇帝龍飛莫鼎而已卜無疆之厯矣朕嗣守藩服播遷
江淮羣臣百姓共推繼序跋涉來迎請正位號予暫允監國
攝理萬幾乃累箋勸進拒辭弗獲謹於五月十五日祇告天
地宗廟卽皇帝位於南都猥以藐躬荷茲神器惟我大行皇
帝英明振古勤儉造邦殫宵旰以經營希蕩平之績效乃漢

池盜弄鐘簾震驚燕畿掃地以蒙塵龍馭賓天而上陟三靈
共憤萬姓同讐朕涼德弗勝遺弓抱痛敢辭薪膽之瘁誓圖
俘馘之功尙賴親賢戮力勛勤助予敵愾其以明年爲宏光
元年與民更始大赦天下加在京文武官一級無級可加者
進勳階一級給新銜誥命督撫監司守令給見任官銜誥命
補諡蔭前朝大臣之有勞績品行者存問在籍閣臣六部堂
官遣配及閒住者復原職三品以下情可原者採訪酌用諸
藩流寓者撫按善爲安置宗室在南京者按時給糧公侯伯
常祿往日本折三七關支或中半兼支者俱於折色中給本
色一半石折銀七錢以示厚意王公子孫各蔭一子入監讀
書七十以上年高有德者給冠帶細民量給膳米忠義殉難

者蔭謚建祠舉人副榜廩貢監生不得遏抑以塞賢路山林
草澤有奇才異能堪以匡時禦亂者從公保舉試驗罔效者
舉主連坐北直山東河南山西陝西遼東文武官生不能從
賊在南者文官吏部察明推陞赴用其生員寄應天府學考
試其武弁赴部驗明寄俸在京各衛陷賊各官有能返邪歸
正者寬其前罪殺賊自効者以軍功論免宏光元年糧十分
之一北直山西陝西全免五年山東河南三年江北湖廣獨
十分之五江西四川十分之三其折漕稅契及上供柴炭派
擾商民者一切釐革詔到日星速頒行匿隱支飾者訪明究
問於戲宏濟艱難用宣九伐平邦之政覃敷闡澤並沛三驅
解網之仁新綍煥頒前徽益懋布告天下咸使聞知是日降

賊少詹事項煜逃歸混入朝班眾逐之以太監韓贊周管司禮監事盧九德爲司禮秉筆提督京營癸卯馬士英入閣佐理仍掌兵部尙書事以顧錫疇爲禮部尙書分應天蘇淞爲二巡撫以左懋第爲都察院右僉都御史巡撫應天甲辰命忻城伯趙之龍總督京營戎政命戶部速輓漕粟以濟軍糈淮撫路振飛罷起田仰代之進黃得功爲靖南侯左良玉爲甯南侯各蔭子錦衣衛正千戶高傑興平伯劉澤清東平伯劉良佐廣昌伯加馬士英太子太師蔭一子錦衣衛指揮僉事乙巳以祁彪佳爲都察院右僉都御史巡撫蘇淞祭告先福王太妃於行宮遣徐宏基祭孝陵告卽位命參將王之綱迎母妃於河南郭家寨前督師丁啟睿擒送河南僞官加啟

睿太子少保兵部尙書是日史可法陞辭給銀二十萬兩以
總兵劉肇基千永綬李棲鳳卜從善金聲桓等兵隸之諸生
陳方策盧渭疏留可法曰淮揚門戶也京師堂奧也門戶有
人而堂奧無人可乎不聽丁未張愼言疏薦舊輔吳牲原任
吏部尙書鄭三俊命牲陞見詔封疆失事各官不許起用已
酉以萬元吉爲太僕寺少卿監理江北軍務漕運總督路振
飛擊敗賊將董學禮兵獲降臣武愨是日我

大清兵破闖賊於眞定闖賊走平陽尋走韓城庚戌劉孔昭
許奏張愼言薦吳牲誤國且定策時有二心高宏圖姜曰廣
並乞退上兩解之設勇衛營以太監李國輔監督命史可法
遣官訪大行皇帝梓宮併太子二王壬子晉徐宏基湯國祚

柳祚昌劉孔昭方一元焦夢熊等宮銜子蔭子司禮監太監
韓贊周盧九德各弟姪一人錦衣衛指揮僉事徐宏基疏薦
原任兵部尙書熊明遇等報聞詔卹北都殉難諸臣是日揚
州進士鄭元勳以款高傑軍爲州人所殺癸丑復蔭劉澤清
子錦衣衛千戶申寅命史可法祭泗鳳陵左良玉祭顯陵乙
卯封吳三桂爲薊國公起陳子壯爲禮部尙書掌詹事府事
命江淮賑恤南歸難民太常少卿李沾劾吏部左侍郎呂大
器定策時懷二心命不必深求丙辰命議河督黃希憲齊撫
邱祖德晉撫郭景昌私逃罪是月我

大清兵取河北山東六月丁巳朔日有食之命禮部鑄國璽
刑部主事錢敬忠疏陳時事報聞大學士高宏圖自請江干

督漕許之命補記注侍班官戊午上大行皇帝尊諡曰紹天
釋道剛明恪儉揆文奮武敦仁懋孝烈皇帝廟號思宗大行
皇后曰孝節貞肅淵恭莊毅奉天靖聖烈皇后追尊皇祖妣
貴妃鄭氏曰孝甯溫穆莊惠慈懿憲天裕聖太皇太后追尊
皇考福恭王曰貞純肅哲聖敬仁懿恭皇帝皇妣姚氏曰孝
誠端惠慈順貞穆皇太后遙上皇生母鄒氏尊號曰恪貞仁
壽皇太后追諡元妃黃氏曰孝哲懿莊溫貞仁靖皇后繼妃
李氏曰孝義端仁肅明貞潔皇后庚申頒河北山東詔壬戌
召逆案阮大鍼冠帶陞見戶科左給事中羅萬象御史王孫
蕃陳良弼大理寺丞詹兆恆應天府丞郭維經懷遠侯常延
齡等交章諫宏圖請九卿議與士英忤曰廣以中旨用人爭

之不得各疏求去不許呂大器劾士英賣官鬻爵罪不聽劉
良佐率兵攻臨淮不克移駐壽州兵科給事中陳子龍疏請
兵部主事何剛練水師從之命議殉難從逆諸臣功罪甲子
獻賊陷涪州乙丑命惠王常潤移居肇慶吉王
起錢謙益爲禮部尙書協理詹事府事吏部尙書張慎言罷
禮部請立中宮詔以列聖先帝之讐未報不許命萬元吉再
往揚州六合調輯軍民己巳以吳志葵鎮守吳淞劉澤清來
朝疏糾呂大器雷縯祚薦張捷鄒之麟張孫振劉光斗等未
幾大器罷癸酉詹兆恆進欽定逆案馬士英亦於是日進三
朝要典乙亥追復懿文皇太子廟號興宗孝康皇帝妃常氏
諡孝康皇后追崇建文帝諡曰嗣天章道誠懿淵恭觀文揚

武克純篤孝讓皇帝廟號惠宗后馬氏曰孝愍溫貞哲睿肅
烈襄天弼聖讓皇后追崇恭仁康定景皇帝諡曰符天建道
恭仁康定隆文布武顯德崇孝景皇帝廟號代宗貞惠安和
景皇后汪氏曰孝淵肅懿貞惠安和輔天恭聖景皇后丁丑
左懋第疏請北行獻賊陷重慶瑞王常浩並原任巡撫陳士
奇等皆遇害贈死難沐陽知縣劉士燦山東僉事巡按湖廣
御史黃澍入賀面糾馬士英罪士英免尋復令視事戊寅封
福府千戶常應俊爲襄衛伯世襲己卯趙之龍糾高宏圖議
思宗廟號之失請改正詔仍舊庚辰以徐石麒爲吏部尙書
何應瑞爲工部尙書京口兵閱詔督師核治嗣後兵將調集
聽本處撫臣節制辛巳命王變爲都察院右僉都御史巡撫

山東壬午順錫疇請追諡文震孟等而奪溫體仁諡並從之
癸未我

大清兵取德州前大學士謝陞御史趙繼鼎盧世漣迎降甲
申以邱磊爲山東總兵官贈死事原任吏部員外郎程良籌
光祿寺少卿舉人劉申錫知州生員楊之金教授祠名義烈
以黃斌卿防禦京口調鄭芝龍兵六千入衛乙酉命魯王以
海暫駐處州崇王
暫駐台州秋七月丙戌朔祀高皇帝
以下於奉先殿以大行皇帝皇后祔祭加張愼言程註太子
太保予蔭丁亥給事中章正宸疏陳時事建甯知縣蔣芬自
請勤王俱不報庚寅以左懋第爲兵部右侍郎兼都察院右
僉都御史經理河北聯絡關東軍務馬紹愉爲太僕寺少卿

兼兵部職方司郎中加陳洪範太子太保齋白金十萬兩金千兩緞絹萬匹出使於我

大清金聲桓駐防揚州壬辰定守護鳳陵戍兵五千人以劉之勃爲都察院右僉都御史巡撫四川甲午以六等定從逆諸臣罪其大逆凌遲處死者五條凡從賊攻陷京師及爲賊毀宗社易門榜者凡倡率勸進及爲賊草偽詔者凡部院詹事翰林三品以上大臣從賊受僞命而親信用事者凡文武封疆大吏如督撫總兵降賊者凡京堂科道部屬等官爲賊畫策規取地方者以上如本犯不歸歸而又逃悉收繫其妻子籍沒其家產其斬決不待時者三條凡四品京堂及翰詹科道受賊僞命居要地比原職加崇者凡方面分巡分守知

府等官降賊者凡文武封疆大吏聞變先逃者其絞者六條
凡獻玉帛獻子女以媚賊求免者凡內外衙門官僅受僞命
者凡在巡方及布按三司分巡分守知府等官遇變而逃者
凡被賊拷掠不能自決仍受僞命者凡受僞命而爲賊疎遠
者凡管屯管河權關督餉等官雖無封疆之守而棄職潛逃
者其流者二條凡內閣重臣及部院等三品以上詹事翰林
五品以上卽不從賊而偷生潛逃者凡旣受僞命復自疎遠
見賊未敗而脫身南還者以上斬絞流共十一則如各犯認
罪自投擬減本罪一等如遁歸匿形蓄謀叵測照本罪加一
等仍收繫其親屬其徒者二條凡候考候選卽無官守卽未
受僞命而浮沈賊中賊奔乃還者凡遇賊變爲賊脅留而未

受僞命者其杖者一條凡爲賊所拘未受僞官而乘間先歸者詔曰北都淪喪帝后升遐巷戰死節者遂無一人且反面事讐甘心降賊爲之指斥先帝規并海宇人心已喪法紀何存所奏旣已會議允當並先奪職其絞罪以上法司行撫按官逮解來京候訊流罪以下撫按官依律訊處具奏其有身雖陷賊能改圖歸正擒殺賊首及以兵馬城池來歸或爲內應克立大功或爲內間效忠本朝者仍從優陞賞不用此例論擒解河南僞官功加義勇李際遇劉洪起總兵官以六科員缺命將中行評博推知等官俱減俸行取丁酉依舊制爲五軍神樞神機三大營杜宏域等六人分統之劉宗周疏劾馬士英等優詔答之戊戌士英乞休不允劉澤清劉良佐疏

許宗周論曰昔漢宣起於艱難魏丙合志唐肅興於靈武李郭同心今者袒分左右口構元黃天下事不堪再壞諸臣各宜和衷集事息競圖功庶幾君臣之間禮全終始庚子擢開封推官陳潛夫爲御史巡按河南癸卯淮揚巡撫王燮以皇太子及二王皆遇害聞甲辰蔭福府內臣屈尙忠田成張執中等弟姪各都督同知世襲錦衣衛指揮使奪溫體仁官蔭已酉內批以張有譽爲戶部尙書高宏圖等爭之不聽辛亥釋高牆罪宗前唐王聿鍵等三百餘人時羣臣紛爭日甚朱國弼劉孔昭條陳新政有吏部用人必勦臣商權各部行政必勦臣面定之語又請增設家丁營將戶部給糧上亦厭之壬子諭曰朕遭百六之運車書間阻方資羣策旋軫故都乃

文武之交爭致異同之日甚先皇帝神資獨斷彙納眾流天
不降康咎豈在上爾諸臣尙鑒於前車精白乃心匡復王室
若水火不化戈矛轉興天下事不堪再壞且視朕爲何如主
祖宗成憲弗尙姑息各宜欽承朕言不再改正閣臣銜尙書
兼大學士舉經筵高宏圖等請建中宮論俟母后回鑾日行
乙卯宏圖乞休不允請召還史可法亦不報是月萬元吉奏
大清兵南征八月丙辰朔日有食之丁巳親祀先師孔子以
楊鶚爲兵部右侍郎兼都察院右僉都御史總督川湖雲貴
廣西軍務命惠王常潤居廣信劉澤清疏劾劉宗周候考宗
室朱統鐔訐姜曰廣通政使劉士楨禮科袁彭年疏糾統鐔
罪不報庚申加史可法少保兼太子太保武英殿大學士高

宏圖太子少師文淵閣大學士姜曰廣太子少保文淵閣大學士馬士英太子太師武英殿大學士王鐸太子少保文淵閣大學士子蔭有差王戊以賀世壽爲戶部尙書兼都察院右僉都御史總督倉場復東廠給事中袁彭年疏爭降浙江按察司照磨起前薊督丁魁楚兵部右侍郎兼都察院右僉都御史總督河南湖廣軍務巡撫承德襄陽等處甲子獻賊陷成都蜀王至澍及如邱氏以下皆遇害撫臣龍文光劉之勃道臣劉士斗等皆死之連陷崇慶新津漢彭什邡縣縣竹仁壽汶川九州縣知崇慶州王勛精知仁壽縣劉三策死之詳忠義傳乙丑卹殉難湖廣舉人陳萬策李開先等丁卯逮降賊臣光時亨周鍾項煜辛未太后至南京壬申起樊一蘅

爲兵部右侍郎兼都察院右僉都御史總督川陝軍務起僉
事越其杰爲都察院右僉都御史巡撫河南兼轄潁亳二州
軍務癸酉命修西宮之西園第一所爲皇太后宮乙亥命吏
部察才品堪用者發督輔軍前補地方官內批以張捷爲吏
部左侍郎丙子下降賊臣光時亨等於獄逮前按察司僉事
雷縉祚禮部員外郎周鑑丁丑封太后弟鄒存義爲大興伯
世襲贈吳三桂父勦遼國公母祖氏遼國夫人卹死節生員
許琰戊寅命王永吉戴罪督山東軍務庚辰命選淑女內官
科道交章諫不聽辛巳賜北京死節諸臣范景文等贈諡立
廟於雞鳴山賜額旌忠壬午改前大學士王應熊爲兵部尙
書總督川廣雲貴等處專辦蜀寇賜尙方劍便宜行事封總

兵鄭芝龍爲南安伯命停薦舉禁非言官而上疏者癸未革
楚撫王揚基任聽勘乙酉內批以阮大鍼爲兵部添註右侍
郎巡閱江防劉宗周劾奏不聽是月我

大清兵大敗闖賊於府谷九月丙戌朔高傑以兵襲黃得功
於儀真史可法和解之浙江奉化布衣方翼明疏劾馬士英
下之獄戊子復前薊督趙光忭官己丑纂修玉牒恤湖廣殉
難諸臣許文岐蔡道憲等高傑請瓜洲泰興邵伯鹽稅助軍
許之命張成福以都督僉事充山東河北總兵官庚寅裁各
省布政司右布政使辛卯御經筵命撰起居注癸巳逮御史
黃樹不至大學士姜曰廣罷命修思宗實錄甲午左都御史
劉宗周罷給事中熊汝霖疏陳時事奪俸三月命黃斌卿移

屯九江黃蜚屯蕪湖采石鄭鴻逵屯鎮江丙申以王之綱充
總兵官掛蕩寇將軍印鎮守河南命御史凌馴聯絡河南北
直丁酉敘江北文武多年戰功加士英少傅仍兼太子太師
建極殿大學士蔭一子錦衣衛指揮僉事世襲戊戌謚前大
學士孫承宗文忠太常寺少卿鹿繼善忠節賜祠忠烈以王
濬爲都察院右僉都御史巡撫登萊以牟文綬充總兵官鎮
守荊州命黃得功移駐廬州以防桐院偕劉良佐合營進復
黃汝高傑移駐徐州進復開歸追補建文死節諸臣方孝孺
等贈謚立祠甲辰追贈開國名臣及正德諫臣天啟慘死諸
臣有差以吏部右侍郎黃道周爲禮部尙書掌詹事府事左
良王子夢庚掛平賊將軍印令童生輸銀免府州縣試禁擅

立官戶給河南巡撫越其杰銀十五萬兩令募兵屯田丙午
稱恭皇帝陵曰熙陵命丁魁楚另用何騰蛟仍舊職庚戌開
佐工事例辛亥以東陽許都餘黨復亂奪巡撫黃鳴俊官逮
前巡按御史左光先再賞定策功加李沾左都御史革侍郎
呂大器職進封朱國弼保國公停宗室換授論吏兵二部量
用北來官王子再命刑部逮問黃澍亦不至甲寅以李成棟
鎮守徐州吏部尙書徐石麒罷是月高傑率兵赴鎮

男承禮編輯

仁和魏錫曾參校
會稽梁繼元覆校

小腆紀傳卷第一終